

**POR CUMINSA ENTREGA
FORMULARIO PA PERMISO
PA BENTA DI KLAPCHI PA
AÑA 2025**



WWW.SOLODIPUEBLO.COM



SOLODIPUEBLO@GMAIL.COM



**MINISTER GERLIEN CROES TA
NENGA PA DUNA CUENTA DI
SU BIAHE PA HULANDA. UN
'DIENSTREIS' OF 'SNOEPREIS'?**

**SOSPECHOSO ABUSADOR DI MUCHA LO
WORDO DETENI PA HIBA CORTE**

**E LEGADO DI BENNY
SEVINGER A PERHUDICA
HOPI HOBEN INCLUSO SU
MESUN YIU**



**CERA CONOCI
CU E ZAAGVIS,
UN BISHITANTE
HISTORICO
DEN NOS
AWANAN**

**SITUACION
ENTRE
MERCA Y
VENEZUELA:
PUEBLO DI
ARUBA POR
TA TRANKIL**



TURISTA A ACCIDENTA CU QUADRACER DEN E DUINNAN NA WESTPUNT



Diaranson mainta a drenta informe di cu un turista a herida su mes cu un quadracer panort di faro, mesora a dirigi tanto polis como ambulans na e sitio. Na yegada di e patruya a bin compronde cu aki

ta trata di un accidente unda cu un turista a accidenta su mes na e "duinen" panort di faro. Na yegada di e ambulans a bin compronde cu aki ta trata di un accidente unda un turista femenino lo a



fractura su rudia.

Na prome instante nan no por a localisa e sitio pero

un rato despues a informa nan cu nan ta treciendo e victima den auto particular pa Arashi.

Na yegada di e victima na e ambulans nan a atende y a transporte pa hospital.

ANIVERSARIO DI OPPA, 26 DI AUGUSTUS 2025

OPPA, Organisacion di Pensionado Publico di Aruba, ta celebra su di 37 aña di existencia. Pa duna comienso na e celebracion y como muestra di gratitud, lo tin un Santo Sacrificio di Misa.

Fecha: Diadomingo 24 di Augustus 2025
Ora: 10:00 am
Misa: Sta. Filomena na Paradera

Bo(so) ta keda cordialmente invita pa asisti na e misa aki.
Tuma esaki como un invitacion personal!

Celebracion, pa e miembronan, ta sigui den forma di un fiesta diasabra 30 di Augustus 2025 na Renaissance Convention Center.
Carchi ta obtenibel na oficina di OPPA (9:00 am – 12:00 pm)
Te cu diahuebs 28 di Augustus 2025 (si tin ainda)!

POR CUMINSA ENTREGA FORMULARIO PA PERMISO PA BENTA DI KLAPCHI PA AÑA 2025



SantaCruz,ARUBA:Cuerpo Policial Aruba ta informa na tur persona cu kier bende klapchi pa aña 2025, pa tene bon cuenta pa cu e fecha cu por cuminsa entrega esaki.

Kier a



recorda tur persona cu e formulario encuestion por wordo entrega solamente na warda di polis Santa Cruz situa na Macuarima. Por entrega e formulario desde diabierna 15 di augustus 2025 te cu diabierna 14 november 2025. Despues di e fecha

menciona, no lo acepta ningun formulario pa peticion pa permiso pa benta di klapchi. Ta pidi tur hende pa porfavor tene bon cuenta cu esaki pa despues bo no hayabo cu sorpresa desagradabel of perdida financiero.

Parlamentario Xiomara Maduro:

A PIDI MINISTER EMAN PA INFORMA PUEBLO RIBA E CONFLICTO ENTRE MERCA Y VENEZUELA

Cudadano y comercio mester sa ki posibel consecuencia por tin pa Aruba

Durante e reunion publico den Parlamento pa trata e Prome Cambio di Presupuesto 2025, Parlamentario Xiomara Maduro a pidi Minister Eman pa splica riba e situacion di conflicto entre Merca y Venezuela. E parlamentario a cuestiona cu Pueblo ta haya falta di informacion riba e situacion aki. Medianan social y prensa internacional ta yen di informacion y ta indica

cu cada dia cu pasa tin un ecalacion mas grandi entre e dos paisnan aki. Ya caba tin presencia militar den e awanan den Aruba su cercania y nos na Aruba mes no ta hayando ningun informacion.

Preguntanan haci ta: Kico Hulanda ta informa riba e asunto aki?, Kico e plan di contingencia ta pa Aruba?, Con ta prepara e cudadano y comercio na Aruba pa esaki?, Con

lo atende si mester bin refugiado na Aruba door di e intervencion aki? Y si, A trata e topico aki caba cu Corsou y Boneiro?

Parlamentario Maduro a haci un apelacion fuerte na Minister Eman pa contesta e preguntanan aki cu prioridad pa asina Pueblo cu ta sigui e reunion publico aki tur esnan pendiente pa e informacion importante aki por wordo informa adecuadamente.



INCIDENTENAN DI MORDIDA DI CACHO

Ministerio Público ta persigui en principio tur doño di cacho despues di un incidente di mordida, una vez Polis of otro cuerpo di investigacion traha proces-verbaal.

E maneho aki ta valido desde prome di januari 2023 y ta wordo aplica independientemente di si e victima

ta un persona of un bestia (su doño).

Cu e maneho aki Ministerio Público ta busca pa enfatisa e responsabilidad di doñonan di cacho.

Na mes momento, Ministerio Público ta traha pa baha e cantidad di incidente di mordida y pa fortifica seguridad di ciudadanonan y di bestianan en general.

CHAUFFEUR NO A REGULA SU VELOCIDAD NI A MANTENE DISTANCIA A BAY DAL TRAS DI E AUTO SU DILANTI

Diahuebs atardi a drenta informe di un accidente cu hende herida na e rotonde Santa Helenastraat, mesora a dirigi tanto polis como ambulans na e sitio. Na yegada di e patrulla a bin compronde cu aki ta trata di un accidente unda cu e chauffeur di un Volkswagen Caddy

yegando e rotonde Santa Helenastraat biniendo for di Ponton y no a regula su velocidad ni mantene distancia a bay dal tras di e Kia Carens. Debi na e impacto e dama chauffeur a resulta levemente herida. Na yegada di e ambulans nan a atende e victima na e sitio mes.





NoticiadiCorte

SOSPECHOSO ABUSADOR DI MUCHA LO WORDO DETENI PA HIBA CORTE

ORANJESTAD – Awe mainta den Corte di Husticia mester a trata e caso penal cu Ministerio Publico a cuminsa contra e homber R. acusa di abuso di un mucha muher. Ta asina cu R. no a presenta den Corte y mester a bolbe pospone e caso.

SOLO DI PUEBLO por a compronde cu Hues a duna orden di detencion di R. pa asina garantiza cu e lo presenta pa tratamento di e caso.

Fiscal a pidi Hues pa pospone e caso un rato pa Fiscal pidi Polis pa bay busca e sospechoso

na su cas y trec'e na Corte. Ora a sigui cu tratamento di e caso, Fiscal a bisa Hues cu no por a haya e sospechoso. Hues a dicidi cu e ta duna orden di detencion di e homber R.

E acusacion cu tin contra e homber R. ta cu entre 11 y 12 April 2024, el a abusa di un mucha muher bao di 16 aña. Ta asina cu e sospechoso R. no ta deteni.

MAMA DI VICTIMA TA PREOCUPA

E mayornan di e victima tabata presente den sala di Corte. Hues a puntra e mama, kico e ta pensa cu mester bolbe pospone e caso. E

mama a bisa Hues cu e ta haya cu ta 1 aña y 6 luna a dura cu e caso y e kier pone un fin na esaki. E mama a bisa Hues cu R. ta sigui manda mensahe pa su yiu muher.

ORDEN DI DETENCION

Hues ta haya cu ta importante pa pospone e caso. E kier pa e sospechoso R. ta presente pa asina por trata e caso. Hues a bisa cu e ta pospone e caso pa 5 September 2025 pa 1.30 di merdia. Hues a duna orden di detencion di R. pa asina ta sigur cu dia 5 September 2025 ta sigui cu e caso.

fortalece lasonan regional

CUERPO POLICIAL ARUBA A FIRMA LETTER OF INTENT CU CARICOM IMPACTS

Santa Cruz, ARUBA: Siman pasa, e altocomisarionan di e College van Korpschefs, a haci un bishita na e organisacion CARICOM IMPACTS na Barbados. Ey nan, e altocomisarionan presente, a firma hunto cu Lt. Col. Michael Jones, cu ta director Ehecutivo di CARICOM IMPACTS, un letter of intent cu e meta pa fortalece e lasonan regional den e lucha contra crimen organisa na frontera.

Ehempelnan di esaki ta violencia persistente cu arma di candela, vulnerabilidad pa atakenan cibernetico, traficacion humano y contrabando di hende y traficacion di droga.

E punto principal den e letter of intent ta e

importancia di comparti informacion.

No ta importa si ta trata di experticio forensico, menasa digital of crimen na frontera: dor di comparti datosnan, señalnan y analisisnan nos ta aumenta nos capacidad conhunto pa actua. E meta principal ta, cu dor di traha hunto nos por contribui na un region Caribense mas sigur.

Altocomisario di Aruba, sr. Ramon Arnhem, no a tabata presente na Barbados, pa motibo cu Cuerpo Policial Aruba a celebra su di 39 aniversario. Pa e motibo aki Altocomisario Arnhem despues cu a palabra cu Minister di Husticia drs. mr Dowers, a bay di acuerdo na firma e letter of intent.

College van Korpschefs ta traha conhuntamente cu



otro cu un meta: “Fortalece e cooperacion di trabao di polis den e area Caribense.” Hunto nan ta traha pa aumenta resistencia contra ondermijnd criminaliteit. Pa reforsa

e strategia aki tur e altocomisarionan di College van Korpschefs a firma e “letter of intent” hunto cu CARICOM IMPACTS.

College van Korpschefs lo sigui fortalece capacidad operacional y pa mehora e condicionnan necesario pa un bon cuido policial den e region.

JACKPOT PROGRESIVO DI EXQUISITE BINGO TA BIRA \$26,074
THE CASINO NA ST.REGIS TA SIGUI TUR DIASABRA
Y DIADOMINGO CU \$5000,- NA PREMIO !



Palm Beach, Aruba 21 di Augustus
Sigura bo carchi trempa haci uzo di nos pre-sale cu lo ta tur diabierna y diasabra di
3:00 PM – 8:00 PM. Tene na cuenta cu cuponan ta limita
Nos ta wardabo diasabra y diadomingo na “The Casino at St Regis Aruba”, porta ta habri di
7.30 AM pa asina duna oportunidad pa cumpra carchi di bingo na un balor di \$20,- .
Costo pa un booklet ta \$20. Cumpra 2 carchi y ricibi e di 3 carchi completamente gratis.

JACKPOT PROGRESIVO A BIRA \$26,074,-
Exquisite Bingo ta ofrece un total di \$5,000 na premio y un Jackpot Progresivo hopi atractivo. Pa mas informacion, por tuma contacto cu e Casino VIP Desk na +297 281 2374.
The Casino at St. Regis Aruba
Play Exquisite



Caribbean Mercantile Bank N.V., a member of the Maduro & Curiel’s Group of banks, in order to accommodate growth and to better service our existing customers, is taking applications for the position of:

Human Resources Relationship Officer

The **Human Resources Relationship Officer** plays a vital role in aligning HR initiatives with the strategic objectives of our organization. In this role, you will serve as a trusted consultant and central point of contact for management on HR-related matters.

As an HR Relationship Officer, you will build collaborative partnerships across the HR function to provide value-added services that support our strategic, tactical, and operational goals. You will work closely with business leaders to define, source, and fulfill workforce needs, ensuring the effective execution of our business strategy.

Key Responsibilities:

- Collaborate with management to align HR strategies with business needs.
- Provide expert consultation on a wide range of HR-related matters.
- Build partnerships across HR functions to enhance service delivery.
- Define and address workforce needs to support organizational objectives.

Professional Requirements:

- Bachelor’s degree in Human Resource Management or Business Administration, or equivalent experience
- 5 to 8 years’ experience in the Human Resources field
- In-depth knowledge of local labor laws and employment regulations.

Candidate Profile:

- **Strong Organizational Skills:** Demonstrated ability to manage a diverse and complex workload, prioritizing tasks effectively, ensuring timely and efficient completion.
- **Project Management Expertise:** Experienced in leading projects with a specific focus on Change Management initiatives, ensuring smooth transitions and successful implementation.
- **Digitally Proficient:** Comfortable leveraging technology and software solutions to optimize HR operations, improve efficiency, and support data-driven insights.
- **Customer-Centric Mindset:** Dedicated to understanding and addressing the needs of colleagues and stakeholders, ensuring exceptional service and satisfaction in all interactions.
- **Exceptional Communication & Interpersonal Skills:** Excellent verbal and written communication skills, adept at building strong relationships with colleagues and stakeholders across all levels of the organization.
- **High Emotional Intelligence:** Demonstrates empathy, self-awareness, and strong interpersonal sensitivity, enabling effective relationship-building, conflict resolution, and thoughtful decision-making.
- **Proactive Work Ethic:** Self-motivated and able to work independently, demonstrating initiative and a strong sense of accountability and ownership.
- **Collaborative Team Player:** A flexible and adaptable attitude, contributing positively to team dynamics and supporting colleagues to achieve common goals.
- **High Integrity & Professionalism:** Consistently displays a strong sense of ethics and professionalism, maintaining confidentiality and trust in all interactions.

Caribbean Mercantile Bank N.V. offers a challenging and productive work environment where teamwork and a positive attitude are vital, a workplace with growth possibilities, and where dedication is rewarded by an excellent remuneration package.

Interested applicants can submit their cover letter and resume, accompanied by any other document that might be deemed important, to the attention of the Human Resources Department at: cmbrecruitment@cmbnv.com by Friday, September 5th, 2025.

CERA CONOCI CU E ZAAGVIS, UN BISHITANTE HISTORICO DEN NOS AWANAN



ORANJESTAD - E sorto cu nos ta bay trata den e relato aki su number científico ta *Pristis pectinata*. Aki na Aruba nan ta yam'e zaagvis, na Corsou nan ta yam'e, pisca di zag y na Ingles, Smalltooth Sawfish. E ta un pisca cu un cabes peculiar y ta reconoce pa su snuit largo y plat cu na e rand tin careda di djente parecido na un zaag. E zaagvis tin 22 pa 29 djente cada banda di su snuit. E sorto aki su curpa tin e forma di un tribon pero realidad ta, cu e ta un tipo di chucho (rays) cu nan caicay y boca ta bou di nan curpa. Su color ta shinishi of color oleifi te bruin na e parti ariba di su curpa y bou di su curpa ta blanco.

E sorto di zaagvis *Pristis pectinata* ta un di e cinco especienan di pisca tipo zaagvis. Tur zaagvis ta pertenece na un grupo di pisca cu yama 'elasmobranchs' cu ta inclui chucho y tribon. 'Elasmobranchs' no tin weso y nan skelet ta traha di cartilage/kraakbeen, un tehidu fuerte pero mas flexibel cu weso.

E zaagvis ta come principalmente pisca pero tambe invertibra manera cangreu y cabaron. E ta un pisca cu ta uza sistema electro sensorial cu ta detecta si tin presa

den cercania. Nan ta biba den lama tropical of den area caminda riu ta topa cu lama di Oceano Atlantico. Nan ta sinti nan comfortabel den awa di poco profundidad y tin biaha nan ta dreña den area di awa dushi di riu. E zaagvis su tamaño por yega un largura total di 7.6 meter pero e tamaño mas grandi confirma ta di 5 meter y mey cu un peso di 350 kilo.

Un embra por haya 7 pa 14 yiu, esakinan ta nace cu nan zaag completamente forma. E embaraso di e zaagvis ta dura 12 luna y e embra ta duna luz cada cada dos aña.

Aki na Aruba historicamente nan tawata bin den nos awanan y den algun negoshi hende a expone e zaag di e pisca aki como un obra di triunfo. Awo ta haya mayoria di e sorto aki na costa di Florida.

Nan menasa ta perdida di habitat y keda pega den redanan accidentalmente. E habitat specifico cu nan ta frecuenta ta di matanan di mangel tam, como cu nan ta uza esaki pa nan area di cria. Nan tambe ta un especie cu ta bolbe bek na e mesun luga cu



nan a cria. E otro menasa ta ora e zaagvis keda pega den redanan, e piscadonan ta matanan en bes di losnan y laga nan bay liber. Danki na e organizacion NOAA fisheries pa contribui cu e potret y informacion.

Tambe na e organizacion Sawfish Conservation Society cu tin interes pa traha hunto cu DNM riba foyeto di conscientisacion na Papiamento pa nos area.

Clasificados

SOLODIPUEBLO@GMAIL.COM

CEL. 585 9500

Parlamentario Xiomara Maduro:

E LEGADO DI BENNY SEVINGER A PERHUDICA HOPI HOBEN INCLUSO SU MESUN YIU

Durante tratamiento di e Prome Cambio di Presupuesto 2025, Pueblo por a scucha e plegaria di Parlamentario Sevinger den cual e ta trece su frustracion dilanti como un hoben cu un salario decente, pero cu no por haya un tereno of un cas pagabel na Aruba.

Un preocupacion cu ta biba cerca hopi hoben na nos

Pais, cu no por logra nan soño di nan propio cas, ya cu casi no tin tereno of cas pagabel mas na Aruba.

Locual e hoben Parlamentario Sevinger awe mester realisa ta, cu esaki ta e legado cu su propio tata Benny Sevinger a laga pa e hobennan di Aruba, incluso su mesun yiu. Como Minister di Infraestructura, Benny a

haci deshaci cu tereno pa saca probecho y awe un cantidad grandi di hoben ta sali perhudica.

Leoncita so a haya 90.000 meter cuadra di tereno pa saca probecho, sin conta e centenares di tereno cu amigo y sponsernan di Benny a haya pa traha condominium, hotels, cas pa huur cu airbnb etc etc, cu awe ta stroba hobennan

di haya un tereno of un cas pagabel na Aruba.

Tabata na su introduccion den e arena politico na Aruba, cu Stephany a vocifera cu elo sigui cu e legado di su Tata, pero awe e tambe mester realisa cu e legado eyan ta un desaster cu ta perhudicando tanto hoben na Aruba, incluso su mes, di yega na un tereno of cas di nan soño.



MINISTER GERLIEN CROES TA NENGA PA DUNA CUENTA DI SU BIAHE PA HULANDA. UN 'DIENSTREIS' OF 'SNOEPREIS'?

Evelyn Wever-Croes, Lider di Fraccion di MEP



ORANJESTAD - Minister Gerlien Croes recientemente a manda un carta relaciona cu mi preguntanan tocante su bishita di trabou na Hulanda entre 9 te 15 di juni ultimo. Esun cu lesa e carta por saca un conclusion so: e minister ta nenga pa uza e oportunidad

pa desmenti e acusacion cu nan ta haci contra dj'e tocante 'snoepreis'.

E respuesta ta pover, evasivo y insuficiente. No tin ningun relato financiero presenta. Pues e minister no solamente ta faya na transparencia, sino tambe ta actua contra su mesun acuerdo di gobernacion di AVP-Futuro, caminda a palabra cu pa tur bishita di trabou mester pidi tres oferta. Ni un solo prueba no ta muestra cu esaki a wordo cumpli.

Tambe e minister no ta bisa concretamente ki acuerdo a wordo logra durante e bishita. Loke si ta bon cla, ta cu e no tabata tin ningun reunion politico. Pues nos mester hasi e pregunta, pakico e minister a bai

Hulanda? No lo tabata mihor y mas eficiente pa a warda algun siman mas te ora cu su counterpartnan politico na Den Haag lo tabata disponible? Awor e minister a gasta hopi placa di pueblo sin ningun resultado politico tangible. E imagen cu keda ta di un biahe carisimo den business class, y irresponsabilidad. Pa colmo, den su respuesta e minister ta menciona cu e a tene un reunion cu e wethouder di Rotterdam tocante uzo di yerba artificial segunda mano; enbes cu na Rotterdam nan benta nan afo despues di uso, Minister Gerlien Croes a pidi pa manda nan Aruba.

E ideanan aki ta trece hopi

preocupacion: tanto riba e calidad y durabilidad di e yerba uza, pero mas tanto riba e riesgo pa salud, cu ta topico di discusion rond di mundo. Ta incomprendible cu un minister lo pone nos deportistanan di Aruba den un situacion asina, sin un evaluacion serio.

Debi cu e respuesta di e minister tabata asina pover y evasivo, mi mester a hasi 23 pregunta adicional na e minister. Ta importante pa un minister duna cuenta na Parlamento, y asina na pueblo di Aruba. Ora un minister ta scohe pa bai den biahe caro, e mester duna tur informacion pa muestra kiko tabata e meta, ki resultado a logra, y con placa di pagado di belasting a wordo gasta.

Transparencia y dunamento di cuenta no ta un favor cu un minister por eligi pa duna Parlamento, pero ta un obligacion basico den un democracia. Ora un minister ta nenga pa duna claridad riba costo, ora e ta nenga pa cumpli cu su mesun compromiso di acuerdo di gobernacion, y ora no tin ningun resultado concreto, e biahe aki no por wordo mira sino como un error caro y irresponsabel.

Ta ora pa minister Gerlien Croes compronde cu e mester ta responsabel cu placa di pueblo. Aruba ta merece lidernan cu ta cumpli cu nan palabra y cu ta defende tur cen di comunidad cu responsabilidad.

SITUACION ENTRE MERCA Y VENEZUELA: PUEBLO DI ARUBA POR TA TRANKIL

Diahuebs merdia, Prome

Minister Mike Eman, acompaña pa Secretario General di Ministerio di Asuntonan General Robert Candelaria, Director di Directie Buitenlandse Betrekkingen (DBB) Jocelyne Croes y Director di Veiligheidsdienst Aruba Juri Nicolaas, a duna un update relaciona cu e ultimo desaroyo den

region.

Den noticianan internacional por a tuma nota cu Merca a manda algun barco militar pa nos region y di parti autoridad Venezolano a scucha nan reaccion relaciona cu esaki.

Prome Minister ta reafirma cu e presencia di e barconan militar den nos

region ta, segun Presidente Trump, pa contraaresta e traficacion di droga for di Sur America.

Prome Minister ta urgi comunidad pa keda trankil y pa no bay den speculacion y a sigura cu lo mantene pueblo informa di cualkier situacion di interes general.



Prome Minister Eman: E MISION TA PA COMPARTI DESAROYO CU TUR FAMILIA

Diaranson, Parlamento di Aruba a trata e Presupuesto Supletorio di Gobierno. Ministernan di Gabinete AVP-FUTURO, cumpliendo cu nan responsabilidad, a contesta preguntanan cu diferente miembro di Parlamento a dirigi na cada un di nan, relaciona cu nan maneho desde cu a forma Gobierno.

Prome Minister mr. Mike Eman, como minister encarga cu Asunto General, Naturalesa y Cultura, a duna un splicacion amplio di su maneho y e direccion den cual Gabinete AVP-Futuro kier hiba Aruba aden. Esaki ta cuadra cu e linea di pensamiento di e raport di Sociaal Economische Raad SER “Naar Brede Welvaart op Aruba: Van groei naar balans”, den cual ta confirma e linea di maneho di Gabinete AVP-Futuro. Den e raport, SER ta trece e preocupacion di con e prosperidad di Pais Aruba no tabata bon reparti cu comunidad. E crecimiento di nos Economia no tabata traduci automaticamente den bienestar pa comunidad.

A pesar di e desaroyo economico, costo di bida a keda aumenta, e poder di compra a keda bay atras, scolnan a deteriora, nos barionan a deteriora y asina Aruba a keda bay atras, pensionadonan a keda lubida, cuidio medico a mira recorte inhumano mientras un grupo so tabata probecha di e desaroyo den turismo. Ta netamente e situacion inhusto aki a sirbi como inspiracion pa e slogan di “Bolter Cos”.

Gabinete AVP-FUTURO a pone como punto di prioridad pa conecta e desaroyo cu comunidad, pa mehora e poder di compra, pa drecha e situacion di nos grandinan, pa trece bienestar den tur cas y pa tur hende den tur sector y di tur edad.

Apenas na inicio di Gabinete AVP-FUTURO, a duna un aumento di 250 florin di reparatietoeslag pa tur pensionado, cual a yega cerca riba 22 mil pensionado. Ademas a reduci e accijns riba prijs di gasoline pa yuda mitiga e aumento di prijs di producto causa



pa factornan internacional, pero tambe a expande e lista positivo cu Gobierno anterior a corto sin escrupulo. E decisionnan aki ta parti di e esfuersonan pa mehora e situacion financiero den cada hogar di forma inmediato.

Gobierno den algun luna, a haci inversion di 43 miyon pa e aumento di reparatietoeslag, a aloca 30 miyon pa inversion, a pone 10 miyon pa subsidia e reduccion di accijns riba gasolin, 2.3 miyon pa renobacion di De Vuyst Complex, 2.7 miyon pa Bushiri Complex,

3.1 miyon pa MFA San Nicolas, 4 miyon pa Beatrix School. 5.5 miyon pa renobacion di Arubahuis na Hulanda, 200 mil pa renoba e compleho di Shelter, 300 mil pa Animal Control Center, 1 miyon pa renobacion di Scol di Polis Watty Vos y asina tin un cantidad di otro inversion cu lo tuma luga den e periodo nos dilanti.

E compromiso di e Gobierno aki ta pa percura pa tur hende riba e baranca aki, por ta parti di e desaroyo y por hiba un bida digno cu nan merece.

MINISTER CICILIA CU SPPLICACION DETAYA RIBA MANEHO DI TURISMO Y LABOR DURANTE TRATAMENTO DI PRESUPUESTO SUPLETORIO

Durante e tratamento di presupuesto supletorio cu a tuma lugha diaranson den Parlamento di Aruba, Minister di Turismo, Transporte y Labor, mr. Wendrick Cicilia, a duna un relato detaya di e accionnan, logronan y prioridadnan di su administracion den e areanan di turismo y labor.

Minister a enfatisa cu turismo ta sigui ta e pilar principal di nos economia y a enfatisa e importancia di diversificacion di mercado, y desaroyo di productonan turistico innovativo. Pa Minister Cicilia, ta importante pa evalua e accento di maneho di turismo. Colectivamente kier bay den otro direccion, mas controla y mas conecta cu nos comunidad. No kier mira mas expansion desproporcional, pero kier mas bien pa e tin un balor agrega pa nos hendenan

y nos economia. Riba medianan social por a mira e concentracion di turista den areanan publico, esaki ta algo cu ta molestia nos comunidad, nan ta sinti cu nan a sacrifica hopi pa loka ta e modelo di turismo.

E maneho di turismo mester ta conecta cu e necesidadnan di nos comunidad. Minister Cicilia a expresa cu den prome inicio di gobernacion a inverti den comunidad di Aruba a tuma desicionnan na bienestar di comunidad manera e aumento di pensioen pa nos grandinan, aumento di bijstand y kindertoelag.

Pa loka ta trata labor, Minister Cicilia a enfatisa cu ta necesario pa prepara e forsa laboral local pa e retonan den futuro. El a splica cu, hunto cu institutonan educativo y sector priva, ta promove

programanan di formacion y desaroyo pa cumpli cu e necesidadnan real di e mercado. Tambe el a menciona iniciativanan pa curasha empleo formal, mehora proteccion di trahado y garantisa condicionnan di trabou decente y sigur. Alrededor di 15% di nos hobennan no ta forma parti di nos mercado laboral ni tampoco ta den enseñansa, na aña 2023 e tabata 11% y na aña 2024 e tabata 15%. Esaki ta keda un parti cardinal den e maneho di Minister Cicilia, ta importante pa conecta nos hobennan cu e mercado laboral.

E presupuesto supletorio, e minister a enfatisa, ta ofrece un oportunidad pa redirigi e recursonan den direccion di proyectonan cu ta fortalece tanto turismo como e mercado laboral. Esaki ta inclui inversion



den infraestructura, programanan di desaroyo sostenibel y politicanan cu ta fomenta innovacion y inclusion social.

Minister Cicilia a reitera su compromiso pa traha den forma transparente y man den man cu comunidad, Parlamento, y e diferente sectornan economico, cu e meta pa

consolida un crecimiento balansa cu ta beneficia henter e poblacion. "Aruba mester sigui crece na un manera ordena, moderno, y responsabel. Cada decision cu nos tuma ta busca pa crea un futuro mas fuerte pa nos trahadonan mientras ta mantene e liderazgo di nos pais den turismo regional", e minister a enfatisa.

OP=OP CU UN FOLDER NOBO YEN DI PRODUCTONAN PA MUCHA



Op=Op Voordeelshop a caba di lanza nan folder mas nobo yena di productonan pa mucha. Ademas di esey, nan tin descuento riba e miho marcanan cu bo conoce, sea pa cas of pa uzo personal! Y cumpra tres di e productonan di e mesun prijs pa ricibi un miho descuento.

Pasa Op=Op na un di nan tres localidadnan: Sasaki, Paradera of San Nicolas.

CHAUFFEUR A PERDE CONTROL BAY DAL RIBA UN PALO DI LUS NA MEIVELD



Diahuebs mainta a drenta informe di un accidente cu hende herida banda di e dam na Meiveld, mesora a dirigi tanto polis como ambulans na e sitio. Na yegada di e patruya a bin coriendo riba caminda di un Daihatsu Boon a perde control baha caminda y a bay dal riba un palo di lus. Debi na e fuerte impacto e chauffeur a resulta herida. Na yegada di e ambulans nan a atende e victima na e sitio mes y e victima a nenga pa bay hospital.

DAMA CHAUFFEUR A KEDA LEVEMENTE HERIDA DEN UN ACCIDENTE NA PALM BEACH



Clasificados

CLASSIFIEDS

SOLODIPUEBLO@GMAIL.COM
CEL. 585 9500

SOLO Di Pueblo

Diahuebs mainta a drenta informe di un accidente cu hende herida na Palm Beach, mesora a dirigi un patruya y un ambulans na e sitio. Na yegada di e patruya a compronde cu un otro auto a bay dal tras di un Nissan March. Debi na e impacto e dama chauffeur di e March a resulta levemente herida. Na yegada di e ambulans nan a atende e victima na e sitio mes.

Un colega dedica y cu amor pa su trabou HOH su empleado di luna di juli ta Jean Bruges



Recientemente riba departamento di Maternity y Obstetrics a tene un momento special pa asina duna atencion na e bunita reconocimiento di nan assistant manager Jean Bruges cu a sali empleado di luna di juli 2025.

Sigur un momento inespera y emocional unda cu Jean a gradici ful su team cu a manda e nominacion aden y alabes HOH pa e nombracion special aki. Pa Jean e nominacion di su coleganan ta algo hopi grandi y un gran honor cu sigur nunca elo lubida.

Jean tin ful su carera dedica na HOH unda e tin un impresionante 44 aña den servicio. Jean ta un persona cu ta boga pa un cuido humano y empatico

y ta traha duro pa optimalisa procesonan y promove un colaboracion positivo entre empleado, partera y specialistanan. Un teamplayer cu ta percura pa un balans den e team y unda cu tur colega ta sinti nan mes scucha y balora. Jean ta un persona flexibel y semper ta traha riba un schedule di trabou eficiente pe team por traha miho y cu smaak.

Ademas, hunto cu su team e ta traha riba feedback di pashent unda cu e experiencia y satisfaccion di pashent ta sumamente importante pa nan. Talento tampoco falta Jean, cu ta un colega creativo y detayista semper creando algo special pa cada celebracion cu tin riba e departamento.

Manera Jean mes ta



conta: “Mi ta gusta e responsabilidad di por guia, motiva y apoya e team pa nos por yega na nos meta comun y duna un cuido optimal na pashent. Mi trabou ta dinamico, tur dia ta varia y semper tin cos nobo pa siña.”

Durante un temporada di hopi reto pa e departamento Jean a demostra su compromiso y perseverancia. Ela tuma hopi responsabilidad riba su mes y danki na su dedicacion y liderazgo e

departamento por a sigui funciona. Team completo di HOH ta hopi contento cu e amor cu Jean tin pa su trabou y mas ainda cu Jean semper t'ey! Masha pabien Jean cu e bunita reconocimiento aki.

REFLECCION

TUR SORTO DI ANTICONCEPTIVONAN TA PIKANAN CONDENABEL PA FIERNO

Dicon na scolnan nan ta duna les tocante uso di anticonceptivonan pa no sali na estado? Nan ta sinja na scol cu e periodenan di hende muher no ta safe mas y nan ta sinja e hubentudnan tocante safe sex. Esey ta un berguensa di mira, cu nan ta promove algo cu no ta un educacion Cristian, cu no ta bini di Dios. Ta ki sorto di ehempel y educacion esey ta? Si na Hulanda of na otro paisnan, nan ta sinja e hubentudnan tocante inmoralidad y di loke ta prohibi pa Dios, esey ta nan cuenta y asunto, pero nos mester compronde bon, cu nos hendenan aki na Aruba ta hendenan Cristian cu ta biba y cumpli cu e palabranan di Dios. Bosonan ta promove mas libertinahe sexual den nos hubentudnan. Educacion

sexualmestertabasasegun Dios Su voluntad y segun di un bida Cristian. Mester sinja nos hubentudnan cu e sexualidad mester sosode solamente den e sacramento di matrimonio, na unda Dios ta uni e pareha den un solo curpa, pa e pareha por haci nan relacion sexual pa lanta famia. Lesa Bijbel Marko 10: 6-9, na unda Cristo-Hesus ta bisa: “Na principio di creacion, Dios a traha homber y muher, pesey e homber lo laga su tata y su mama, pa e uni cu su muher y nan dos lo bira un solo curpa.” Den un solo curpa ta significa, casamento den e Sacramento di Matrimonio di Dios den Misa, pa medio di un Pastoor y dos testigo. Bosonan mester compronde bon cla, cu tur relacion sexualnan

pafor di e Sacramento di Matrimonio, ta pikanan condenabel pa Dios den fierno, lesa Bijbel Corinthionan 6: 9-10, na unda e almanan den libertinahe sexual ta bay fierno. Den temponan di antes, hendenan Cristian no conoce nada tocante anticonceptivonan. Bijbel ta considera e yiunan manera don di Dios. (Genesis 4: 1; 33: 5). Yiunan ta herencia di Dios (Salmo 127: 3-5). Yuinan ta bendicion di Dios (Lucas 1: 42). Dios ta bendiciona e muhernan esteril cu yiunan (Salmo 113: 9; Genesis 21: 1-3; 25: 21-22). Dios ta forma e yiunan den seno materno di e mama (Salmo 139: 13-16). Dios conoce e yiunan prome cu nan nace (Jeremias 1: 5; Galatanan 1: 15). Usamento di anticonceptivonan, ta contra di Dios Tata Su procreacion humano. No ta pa hende dicidi esey y ni pa husga tocante di bida humano, pasobra ta Dios Tata ta E Autor di bida y no hende. Lesa den Bijbel Genesis 38: 6-10, na unda Dios Tata a condena Onan na morto, pasobra Onan tabata benta su spermanan afo pa no laga su senjora sali na estado. Asina tambe Dios ta condena den fierno tur esnan cu ta usa anticonceptivonan y tambe na e hombernan cu ta haci masturbacion y ta benta nan sperma afo, hombernan cu ta usa condom pa benta nan sperma afo. Muhernan cu ta usa pildonan, cu ta opera, cu ta konopa, cu ta usa spiral pa no haya yiu y esnan cu ta haci abortus. Tur esakinan ta pikanan condenabel pa fierno. Na anja 1968 Papa Juan

Pablo VI, den su relato Ecclesiastico, “The Human Life, Iglesia Catolico ta condena tur sorto di anticonceptivonan cu ta stroba e ser humano di ser forma den existencia”. Na anja 1984, 23 Juli Papa Juan Pablo II na su descurso a firma: “Cu Iglesia Catolico ta para ariba ensejansa, cu ta prohibi tur sorto di anticonceptivonan cu ta strobe Dios su procreacion humano”. Dios Tata a traha hende muher pa planea famia den matrimonio, pesey hende muhernan tin nan ciclo y nan periode cu ta e dianan di fertilidad, e dianan di infertilidad y dianan di menstruacion. Hende muher ta planea nan famia den e ciclo y den e periode y no den e anticonceptivonan cu ta bini di diabel. E diabel kier pa hende sera porta

pa Dios Su procreacion, e diabel kier pa hende homber benta nan sperma afo, e diabel kier pa por tin mas libertinahe sexual di fornicacion pa fierno. E diabel kier pa bo usa su anticonceptivonan pa bo ser condena den fierno mescos cu Onan cu a benta su sperma afo y a stroba e ser humano di ser forma den existencia. Pesey, tur esnan cu ta stroba Dios Su Autor di bida, nan ta ser condena pa fierno, pasobra ningun hende no por sera porta pa Dios Tata. Tur sorto di anticonceptivonan ta bini di e companianan den organisacionnan satanico na mundo. Na esnan responsabel, no desvia nos hubentudnan den perdicion. Un mensahero di Dios.

Seferino Tromp



Paardenbaistraat 10, Oranjestad, Aruba Tel.: (297) 525 - 7555
www.lottoaruba.com
Resultado: Sorteo di Merdia - August 21, 2025

CATOLICI Sorteo # 4718 3295 4340 3628 MULTI-X X2 BIG 4 Sorteo # 4718 2920 MULTI-X X3 10FF Sorteo # 2774 2466 ZODIAC Sorteo # 4718 5315 Acuario LUCKY 3 Sorteo # 1592 505 MULTI-X X2	LOTTO 5 Sorteo # 0 x Jackpot 0 x Match 4+ 0 x Match 4 0 x Afl. 12,00 450.000,-	LOTTO DI DIA Sorteo # 0 x Jackpot 0 x Match 4 0 x Afl. 8,00 62.000,-	MINI MEGA Sorteo # 0 x Jackpot 0 x match 4 0 x Afl. 500,00 0 x Afl. 50,00 0 x Afl. 15,00 600.000,-	MINI MEGA PLUS Afl. 875.000,-	KORSOU Sorteo # 
---	--	---	---	--	--

Ta Bende Toyota

Hiace aña 200



Ta bende prijs 4500
Jama 565-3508

TEAM SNOR A LAGA PARIBA LEGENDS ATRAS!

Calabas/Kudawecha - Diasabra ultimo, 16 di augustus, e mundialmente famoso Domino Square Garden tabata scenario di un berdadero “clash” entre dos team fuerte den domino! Ta trata aki di nada menos Team Snor, bou liderazgo di e flamante Nelson “Snor” Perez, y e trabuconan di “boven de brug”, esta Pariba Legends bou liderazgo di Nigel a.k.a. “Chuffy”. E encuentro aki tambe sa ser yama e “Clasico” entre Snor y Legends, cual e biaha aki ya a drenta su di cuatro edicion!

Via nos infiltrantenan den DIA (Domino Intelligence Agency), a bin “tap” algun mensahe den e group chat di Pariba Legends caminda Nigel ta pronostica cu e biaha aki Pariba Legends lo gana c’un score palindromo (bo les’e rechts bay links, of links bay rechts, e ta keda mescos) di 21 - 12! Mas cu claro, ora e noticia aki a leak ta masha hopi stof a bay laira!

E bataya ta cuminsa c’un Team Snor den bon condicion, mustrando cu e pronostico ta material p’e bari di sushi. N’e prome rond di prome mita, Snor ta pika bay dilanti cu 3 - 2. Den segundo rond, Snor keto bay dilanti cu 6 - 4. Cos ta bira spannend n’e di 3 rond caminda Snor ainda tin bentaha minimo di 8 - 7. Pero, djaki Legends ta habri valve y ta bay dilanti cu 10 - 8, pa finalisa prome half cu score di 11 - 9!

Aki tabata tin un halftime sumamente ameno caminda a celebra cumpleaños di “Snor” Perez. Cortamento di bolo, cantamento, foto shoot, y mas cu claro, e snacks a lora na ordo completamente gratis!



Sinembargo, prome cu di dos mita cuminsa, Captain Margo a dicidi di haci algun cambio den Team Snor, y aki ta caminda Nigel a cuminsa wak nubianan scur forma n’e horizonte di Pariba Legends! Na papia di Nigel: “asina Magda haci cambio, ta problema so bo por spera.”

Team Snor ta ranca sali y bay dilanti cu 13 - 12! E piloto di Team Snor ta hisa speed y Snor ta bula bay dilanti cu score 17 - 13! Tur skina dje arena di domino por tende e gritonan di

“Snoooooor”! Team Snor ta tuma un bentaha monster di 19 - 15! Pariba Legends ta dal un hik y haya un punta mas, pero Team Snor ta “close the deal” cu score impresionante di 21 - 16! Si observa bon, Pariba Legends a gana e prome mita cu 11 - 9, pero di dos mita Snor ta suta nan cu 12 - 5! Team Snor awo ta dilanti den e Clasico cu score di 3 -1. Snor Perez kier a extende un palabra di danki na un y tur cu a contribui pa cu e anochi special aki tabata un exito rotundo!



SUDOKU

8								
		3	6					
	7			9		2		
	5				7			
				4	5	7		
			1				3	
		1					6	8
		8	5				1	
9						4		

		9	8				4	
4				5				
			7	1				9
						8		1
	5	8				4	7	
6		3						
5				7	1			
				4				2
	7				9	1		

		5	3					
8							2	
	7			1		5		
4					5	3		
	1			7				6
		3	2				8	
	6		5					9
		4					3	
					9	7		

POLIS Y BOMBERONAN A BAY PA UN CAS NA CANDELA NA WAYACA



Diaranson merdia a drenta informe di cu tin un cas na candela na Wayaca, mesora a dirigi tanto polis como bombero na e sitio. Na prome instante tabata tarda un poco como cu a duna adres robes pero despues a mira

e huma y a bay na e adres corecto. Na yegada di e patruya a bin compronde cu full un apartamento ta na candela, na yegada di e bomberonan mesora a cuminsa combati e candela. Na e sitio tabata tin un dama cu tambe

kier a paga e candela pero a kima su brasa pa cual motibo a solicita un ambulans na e sitio. Na yegada di e ambulans nan a atende e dama na e sitio mes. A pidi tambe pa Elmar presenta na e sitio pa kita e coriente.

UNION CARISMATICO HUBENIL ARUBA CU RETIRO SPIRITUAL PA HOBEN

UCHA ta para pa Union Carismatico Hubenil Aruba y e comision a prepara un Retiro Spiritual special di hoben pa hoben, manera obispo emerito L.A.Secco a pidi, prome cu el a baha cu pensioen y e meta ta pa e hoben sigui engrandece su Fe. E Retiro Spiritual aki ta tuma luga den e weekend di 5-6-7 di september venidero na Club San Martin, situa na Sta.

Cruz y ta pa hobennan di edad 14 – 30 aña. Contribucion ta Afl.40,00 incluso cuminda. E hoben por haya formulario di inscripcion na pastorie di su parokia. Pa mas informacion por tuma contacto cu hoben Shavi (Shavaliene) na cel 5686992 of miembro di comision Sasha (Shajaira) na cel 5941418. Orario di e Retiro Spiritual ta manera ta sigui: Diabierna, 5 di

september 6.00 - 10.00 pm // Diasabra, 6 di september 8.30 am - 6.00 pm // Diadomingo, 7 di september 8.30 am - 5.00 pm. Hoben, bin Biba bo Fe cu Bida den Spirito Hubenil!



BIBA BO FE

Bida Den Spirito Hubenil

Hoben, bo ta cordialmente invita pa e Retiro Spiritual aki pa asina sigui engrandece bo Fe

Bo tin edad entre 14 aña te cu 30 aña???

5-6-7 di september 2025 na Centro San Martin (St.Cruz)

Inscripcion:
Tin un costo di Afl 40,-
(e ta inclui cuminda)
Formulario: na Pastorie di cada Parokia

Pa mas Info:
Shavaliene Danje 568-6992
Shajaira Geerman 594-1418

"Mi a scucha bo oracion; ora e dia di liberacion a yega,
Mi a sali pa yuda bo" (2 Cor 6,2)

“Mi no a muri, ta p’esey mi no a bisa ayo,
mi a djis habri mi halanan y bula bay keiro.
Boso a keda atras, no laga tristesa domina boso,
keda uni un cu otro, pa mi alma esey lo ta un alegria.
Recorda mi cu hopi amor.”

Cu inmenso tristesa pero conforme cu Dios su boluntad, nos ta anuncia e fayecimento di nos mama, wela, bisawela, ruman y tanta stima:

Sra. Petra Josefa Faro-de Cuba

mihor conoci como “Petra, Eliza, mama Petra, tante Petra of Oma Petra”
16 maart 1940 – †13 augustus 2025

E ta e ultimo yiu di su mama:
† Johanna “Nana” de Cuba
Esposo: Isnardo (Chonai) Faro
Yiunan:
Jorge Faro y Suzy
Junior Faro y Gilienne
Nieta y nieto nan:
Jennelaine, Sharianne, Jurienne, Matt, Sean, Jaydan, Trevor, Xyon, Marie-Elize
Bisanieto: Keviën na Hulanda

Rumannan:
† Dorothea de Cuba y famia
† Antonio (Tony) de Cuba y † Clotilde Britten
† Louisa Hondong-de Cuba y † Jozef (Joep) Hondong
† Sixto de Cuba y † Henny Blauw
Maria Britten y famia na Corsou
Julio Britten

Sobrino y sobrinanan na Aruba y Hulanda:
† Marciano (Chano) y Marieta de Cuba y famia
† Robert de Cuba
Lourdes de Cuba y famia
† Ivonne de Cuba y famia
Rudy y Lud de Cuba y famia
Anthony y Theresa de Cuba y famia
Jo en Barbara Hondong
Mieke Hondong en † Fer de Ridder
† Hein en Patty Hondong
Raimond Hondong
Theo Hondong
† Rob Hondong
Wil en Annet Hondong

Tanta y omonan, primo y primanan, comer y compernan y tur su ihanan.
Compañeronan di Coro Santa Anna di misa di Nort, Coro di Hospital y tur
otro Coro cu e tabata activo den dje pa e ultimo 50 aña.
Bon bisñanan:
Emerita y Ladjo Faro, Bea y Pedro Tromp.

Un danki special pa su enfermera di cama y resado:
Ita Ridderstaat.
Y tambe na reverendo Theo Zievinger pa resamento, santa olio y santa
comunion.
Na Dr. Hertogen c.s. y Dr. Daryanani.

Demas famianan:
de Cuba, Faro, Hondong, Brete, Jacobs, Infanzón, Dabian, Webb, Vrolijk, Dijkhoff,
Kock, Farro, Ruiz, Tromp, Roza, Eckmeyer, Danje, Medina, Arends, Quevedo, y
demas famia, amigo y conocirnan na Hulanda, Corsou y Boneiro.

Acto di condolencia lo tuma lugar: diabierna 22 Augustus 2025 na Olive Tree Funeral
Care & Crematory na Piedra Plat 27 Z, di 7’or pa 9’or PM.

E acto di Entiero lo tuma lugar diasabra 23 augustus 2025 na Misa di Nort di 2’or pa 4’or PM, y despues nos lo hiba Petra pa su ultimo lugar di
descanso den Santana Catolico di Nort.

Nos lo aprecia bo contribucion pa “Coro Santa Anna”, e coro cu semper a trece alegria pa nos. Lo tin un box disponible.

Nos disculpa si den nos tristesa nos por a lubida cualkier famia.

Entiero lo wordo transmiti via Facebook livestreaming pa su familiarnan cu no por ta presente.



FORTALEZA PA FAMILIA

Scirbi pa Pastor Marcel Balootje.

DANKI NA DIOS CU E TIN NOS MAN TENE, ESEY TA NOS SEGURIDAD



Tur dia no ta mesun dia, y tur dia no ta mesun cos, tin hopi situacion den bida, cu nos tin cu enfrenta tur dia, y mayoria biaha nos por no por hacie nos so, pero e man invisbel di Dios, e poder di Dios cu ta sostene nos tur momento, ta haci cu nos ta para riba pia pa duna danki, alaba y reconoce cu ta Dios a hacie pa nos.

Den Isaías 41:13 Dios ta duna nos un seguridad asina grandi cu nada na mundo no por compara cune.

Bisando: Pasobra Ami ta Senyor bo Dios, Kende ta sostene bo man drechi, Kende ta bisa bo no tene miedo, lo Mi yuda bo.

Pero den Isaías 41:10 E ta cuminsa anticipa nos cu pone miedo un banda bisando:

No tene miedo, pasobra Mi ta cu bo, no desmaya, pasobra Mi ta bo Dios, Lo mi fortalese bo si lo Mi yuda bo, si lo Mi sostene bo cu Mi man drechi di

husticia.

Si nos tin familia y amistadnan cu nos ta confia ta algo bunita, pasobra Salmo 133 ta expresa esey pa nos biba den harmonia cu otro.

Nos confiansa den Dios ta e Baranca fuerte den nos bida, ta e confiansa den Dios ta trece pas y tranquilidad den nos bida pasobra ta para scirbi den Isaías 26:3-4 bisando:

Lo Bo warda den pas perfecto, esun cu su pensamiento ta permanece den Bo, pasobra e ta confia den Bo. Confia den Senyor pa semper, pasobra den Dios e Senyor nos tin e Baranca eterno.

E enemigo y e sistema di mundo, ta purba tur manera pa kita nos pas, dia pa dia e distraicion nan ta bira mas fuerte, pesey nos tin di perservera den cosnan di Dios, para firme riba Su palabra, hala pega mas cerca Dios, kita bista for di riba hende, y fiha nos bista completamente

riba Dios.

Corda bon cu e enemigo ta campeon pa pone hende contra otro, trece division den familia, trece desaster den un hogar, pero nos Dios ta e Dios di reconciliacion, Esun cu ta reconcilia nos cu Su Mes pa medio di Su Yiu Cristo Hesus. (2 Corintionan 5:19).

Colosensenan 3:1-2 ta bisa: Si boso a wordo lanta cu Cristo anto, sigi busca e cosnan di ariba, caminda Cristo ta sinta na man drechi di Dios. Pone boso mente riba e cosnan di ariba, y no riba e cosnan di abao.

E cosnan di abao, e cosnan di mundo, e amistad cu mundo, ta un piedra di tropica, pasobra nan no ta respeta cosnan di Dios, ora nos ta purba mescla nan dos cu otro, nos ta perde temor di Dios.

E amor pa cosnan di Dios, den un palabra bisa, nos sirbishi na Dios semper mester bay nos dilanti, pasobra esey ta identifica nos como sirbido nan di Dios, pasobra nos por wak rond y mira y contempla, cu si Dios no tabatin, nos man tene, ta ken lo a hacie pa nos.

Den Mateo 11:28 Cristo Hesus a bisa: Bin cerca mi tur cu ta cansa y carga, y lo Mi duna boso sosiego, y Hesus tin rason, pasobra no tin otro caminda cu nos por deposita nos carga di bida si no ta cerca Hesus.

Cristo Hesus a bisa: Ami ta e mata di wijdruij, boso ta e ramanan, esun cu keda den Mi, y Ami den dje, esey ta duna hopi fruta, pasobra separa di Mi, boso no por haci nada. (Juan 15:5). Ban tene duro na e man di Hesus, pasobra tur ora E tey.

Oracion di dia

Un feliz dia yena di hopi fe y speransa den nos bon Dios

”...sino conta e generacion venidero: esta gloria di Señor, su poder, ye cosnan milagroso c’El a haci.” (Salmo 78, 4bc) E Evangelio di awe ta cuadra, manera semper, tempo cu ami tabatamucha. Mi mayornan semper tabata educa mi tocante di Dios, Cristo Hesus y Spirito Santo. Y un Bijbel no tabata haci falta. Haci oracionta cos di tur dia. Y sin falta bishita e cas di Dios.

Awendia nos ta ripara e generacion di awo, no tin mucho balor pa cu Dios. Pero anos a sigui conta nos yiunan tocante di Dios manera nos grandinan a haci? Anos a siña e hubentud tocante e milagronan y sacrificio cu Cristo Hesus a haci? Of di e donnan cu Spirito Santo tinpa nos? Y anos a tene man di nos yiunan, hibando nan, tur siman, pacas di Dios pa scucha su Palabra? Ban sigui cu e bunita custumber cunos grandinan a haci. Ban sigui hiba e futuro generacion ariba e caminda cu Cristo Hesus a traha pa nos. ”...pa nan tambe confia den SEÑOR, no lubida Dios su obranan grandi...” (Sal 78, 7) Oracion: Señor mi Dios motiva mi y guia mi, cu yudansa di Spirito Santo, ariba mi responsabilidad pa conta y educa e generacion nobo di

Bo Maraviya.

Y inspira nan pa nan sigui conta na e siguiente generacion.

Amen.

